

巢邑志序



古者鄉邑各有史家有乘厥
後列國稱傳稱語稱志此志
之所繇起也以一邑之志遞
上之郡與省而合於車書一

巢縣志

顏序一

統之天下志之例遂與史並
嚴而權亦與史俱重則雖志
一邑之治乎繇一邑而推之
天下之治已概於此矣今我

皇清興版式廓兆度未綏

聖天子方勵精圖治

俞宰輔脩志之請

命郡國以所治之志羅耆碩而攷
政之江省一時諸

上臺皆翰學鴻雅政教覃敷足

巢縣志

顏序二

以發簡策之光增山川之重
况吳地夙號才藪擅隆文獻
值

盛典而憂金石者當無不勝任而

愉快顧華則失實多則涉溢

循舊章則或思耳食聞幽芳
則或慮無徵諸長吏思所以
仰副

皇綸者蓋幾幾乎難之而巢邑宰
于君獨優然游刃也君山左

巢縣志

顏序三

名流葉榜雄駿抒其性霸之
蘊卽以肩一代之史於志巢
乎何有然以巢之志而可以
觀其治巢觀志於巢問治於
巢必咸知其不僅能治巢而

志集者乃集之縉紳庠士
猶以志之序問於予亦以爲
非予不周習乎巢不素知乎
巢之賢父母又寧第以封域
密邇職守相關勉起而濫弁

巢縣志

類序四

之耶蓋予嘗道經於巢矣風
塵稍憇悠然曠裏憑吊枕石
漱流之遐踪縱覽牛山焦湖
之勝槩一往情深愧未能正
闕文於萬禩今觀志中之疆

野建置形勝宦蹟官師學校
土田風俗選舉人物典禮菽
文諸類燦然一新較若列眷
矣其立旨覈以精其據事宏
以博其取義微以辨其程式

巢縣志

顏序五

約以正其命詞麗以典要以
無私無訛無偏無黨無苛無
溢者爲巢千百年不可易之
攷鏡繇斯而郡之志傳其信
省之志傳其信合之天下之

一統而益傳其信信於志而
益信於于君之治異日者
墨書下賁館閣虛席將求所以供
掌故備顧問者皆斯志兆之
參也余又安可以不文辭

巢縣志

顏序六

肯

康熙十二年癸丑孟夏吉旦

奉直大夫江南廬州府無爲州

知州溫陵顏堯揆題於寶晉

齋



重脩巢縣志序

聖天子御曆之七年

覺世以

新例裁缺補授居巢令孟秋驅車入
境良苗被野農老歡迎遙望城郭
環山帶水風景蔚然心竊慰曰善
哉茲土其或可無棘吾治也及受

巢縣志

于序一

事之次日周覽城垣斗大耳而牛
山踞城西北隅約半而強東南闔
闐千家率皆重末而輕本業勞而
言惰用是惄然慮惴然懇焉懇雜
處者之性情難一荒惰者之積習
難易也寤寐自矢惟期與民恬息

寧水濡毋火烈兵農錢穀孳孳報
無咎外一切勞民財力諸務槩置
弗議舉一日披閱巢志乃勝國遺
書殘編朽蠹魯魚亥豕缺畧不無
或多矣思欲重加纂脩慮物力維
艱輒復中輟茲值

巢縣志

于序二

聖天子念海晏河清之日爲鑄金鏤鼎
之謨

允

閣臣之請下脩志之

詔大一統也昭文獻也煌煌

鉅典偉哉盛矣

請憲臺檄行郡縣刻期報竣

覽世受

命飲冰喜憫夙志才雖襪線敢不
凜承無奈簿書匆午操觚不遑爰
請邑之鄉先生暨諸名士開局分
曹共襄厥事諸紳士進而言曰巢
志荒缺近百年矣山川疆里固可

巢縣志

千序三

百世不易若忠孝節烈文物名賢
代不乏人其遠者雖筆之于書猶
恐事遠言湮其近者任同衰草寒
烟滅沒無傳也苟不詳慎其何以

副

聖天子愍然之旨而備

太史採輯之用哉因多方蒐采夙夜
編訂補闕正疑崇善闡幽逾月始
一得告成覺世受而讀之見山川名
一勝瞭如列眉也司莫麗者誰乎戶
口田賦燦如指掌也照逃亾哀憚
一入者誰乎列官紀績炳如星日也

巢縣志

于序四

踵芳繼軌愆往垂來者誰乎節孝
一貞廉文章事業熊熊旦旦也彰善
一旌媿起衰振敝者誰乎展閱再四
一雖未能深思而力體賴襄事者之
一腕力之苦心不浮不俚亦文亦史
一不識果可藉手告無罪于

憲教以副

聖天子愍然之旨而備

太史之採輯否也是爲序

皇清康熙十二年歲次癸丑余月穀旦
賜進士出身知巢縣事新城于覺世拜

首謹撰

巢縣志

于序五



巢縣志序

范文正公做秀才時便以天下爲已任
然則士未服官上而廊廟訐謨下而民
社幾務皆抱膝盱衡焉倘獲遇于時馳
驟皇途展所裹抱如取諸寄當爲厚幸
若僅以窮守一經俯首藉盤界亦出亦

巢縣志 車序一

處非隱非見之間舉向所盱衡者猶視
爲異日事而槩置弗講亦殊鬱鬱已
不敏受鐸居巢托蔭

坦

賢邑侯父母宇下藏拙守罇日坐寒氈一
片芟澤宮之茂草挹壁水之清泓與諸
子發篋談經雖猶取異日事而互相勸

勉惇勵要亦期免咎戾于名教而實外
務不敢過問焉乃日側聆

父母之治吏習民安曾不稍藉聲色而境
內咸若干化夫以居巢錢穀之盈虛風
土之淳雜政事之繁簡人物之否臧他
邑或亦類是然非裹抱優裕而又一以

巢縣志 車序二

德行之有如是之訟簡刑清若行所無
事者乎以是習而學焉夫亦愈知治矣
一日
于老父母檄下膠庠捧讀之蓋爲奉

旨纂脩一統志乘兼蒙

憲諭嚴切三令五申

坦

受命窳窳滋懼竊

謂集之志

守令主之司教亦與有責焉何敢玩忽因
潔齋啟請鄉紳先生暨子衿宿儒丐椽
筆以光典冊蠲吉脩纂分類任事既已
屬藁而剞劂則由初春抵仲夏始獲告
竣

坦

乃進而檢閱焉覩錢穀盈虛風土

巢縣志

車序三

瀉雜政事繁簡人物否臧平日所縷縷
聞于耳目者今復烺烺見于耳目矣至
于山川形勝文章彪炳據古拾今續紛
滿楮悉賴鄉紳先生暨子衿宿儒分類
任事相與成功以垂不朽而光

大典又豈有歉歟

坦

不敏藏拙守罅唯

于澤宮璧水未與叅其筆舌然藉手以
報

邑父母責成之殷更轉報諸

憲臺嚴切之意是則司教之幸矣若夫釋
咎免戾所不敢知也爰是爲序

肯

巢縣志

車序四

康熙十二年歲次癸丑仲夏吉旦江南廬
州府無爲州巢縣儒學訓導祝其車之

坦頓首拜識



林公舊志序

禹貢別九州揚居其一廬舒在揚州金斗分野巢則廬屬
邑介在江表自司馬晉後至唐凡八易代咸建都金陵巢
嘗隸鄰治皇明混一定鼎南畿巢爲畿內大邑湖山形勝
卓冠淮西蓋王化所先之地溷煦漸摩之久其文獻之富
且懿風俗之醇且厚英秀之蕃且碩苟不資諸制作以登
之焉則爲政者將奚以諳其俗而措諸務也成化初廬太
守朱公脩郡志以巢附之縣因無志而令是邑者甲
更乙代卒未有能自倡始者弘治壬子乃縣令林侯宗哲
蒞政之四載境內向化政通人和暇日因取舊志稿閱之
巢縣志

弘治志序

一

歎其遺漏太甚邑教許君端惠羅君悅咸請編葺適太和
士達尹先生自南蕪至侯禮延于邑之西隱剝以校摩爲
囑先生忻然秉筆昕夕之間廣蒐遠獵旁咨博採凡巢之
山川地利名宦人物歷代以來鉅卿名儒所爲文章詩賦
有裨于是邑者咸收無遺且又訂其牴牾審其去取魯魚
訛舛者正之研精鉤深不使有魚目碣砮混珠玉之誚用
心可謂恪且密矣閱三月書成侯偕縣簿盛君明縣幕李
君恒議鈇梓以行走介謁余序其簡首余惟郡邑之志卽
郡邑之史古帝王政教攸寓太史氏所重也奈之何今之
論政者以刀筆期會爲尙言教者以咕嗶借爲

名教攸關往往諉爲不急之務非有禮文儒術之士以飭
吏事者其克知所重哉林侯以瓊山之英早擢科第抱負
未售者餘二十年始得領縣滌篆公慎廉勤治官事如家
事今一旦舉闕典于百二十年之餘以風勵茲邦以昭我
國家典章文物之盛豈古所謂循吏惻悌無華者歟余故
嘉侯之志喜斯志之有成并書以爲巢之英彥賀

弘治壬子孟秋月之吉

賜進士第正議大夫貴州布政使司左布政使前浙江按
察使司廉使致仕合肥朱紳書

巢縣志

弘治志序